

Ugovorne strane:

Finansijsko-informatička agencija (u daljem tekstu: FIA)

Adresa: Ložionička broj 3, 71000 Sarajevo

JIB: 4202153990006

PDV broj: 202153990006

koju zastupa direktorica mr.ecc. Irma Borovac

i

COMPANYWALL DOO (u daljem tekstu: Korisnik podataka)

Adresa: Simeuna Đaka br. 21, 78000 Banja Luka

JIB: 4404511450002

PDV broj: 404511450002

kojeg zastupa ovlašteno lice Klemen Kljun

zaključuju sljedeći:

UGOVOR

o ustupanju prava na korištenje podataka iz Registra finansijskih izvještaja

Predmet ugovora

Član 1.

(1) Ugovorom o ustupanju prava na korištenje podataka (u daljem tekstu: Ugovor) regulišu se prava i obaveze između FIA-e, s jedne strane i Korisnika podataka, s druge strane o ustupanju prava na korištenje podataka iz Registra finansijskih izvještaja (u daljem tekstu: Registar).

(2) Regulisanje prava i obaveza ugovornih strana odnosi se na ustupanje i korištenje **posebnog izbora podataka** iz Registra, za 2023. godinu, **putem masovnog ustupanja**, a po Zahtjevu Korisnika podataka broj: **05-1-11-16-1111/2024 od 21.03.2024. godine** (u daljem tekstu: Zahtjev).

Bitni elementi ugovora

Član 2.

Ugovorne strane su saglasne da su bitni elementi Ugovora:

- a) ustupanje prava na korištenje **posebnog izbora podataka** Korisniku podataka putem **masovnog ustupanja** i
- b) naknada koju Korisnik podataka plaća FIA-i za ustupanje prava na korištenje podataka u skladu sa Odlukom o visini naknada za usluge iz djelokruga rada Finansijsko-informatičke agencije („Službene novine Federacije BiH“, br. 20/22, 56/22, 22/23 i 21/24) (u daljem tekstu: Odluka).

Korištenje podataka

Član 3.

(1) Ugovorne strane su saglasne da Korisnik podataka ustupljeno pravo na korištenje podataka može koristiti isključivo u svrhu koju je naveo u Zahtjevu, a koja predstavlja njegov komercijalni interes.

(2) Temeljan prikaz svrhe korištenja ustupljenog prava na korištenje podataka (izvještajna forma, odnosno krajnja forma prikazivanja podataka) Korisnik podataka je obavezan dostaviti FIA-i uz zahtjev na uvid i odobravanje.

(3) Korisnik podataka dostavlja FIA-i svoje izvještajne forme u printanoj verziji i to u dva primjerka, koje se, pri odobravanju, parafiraju i ovjeravaju od strane FIA-e. Jedan primjerak ovjerenih i parafiranih izvještajnih formi se vraća Korisniku podataka.

(4) Ugovorne strane su saglasne da je Korisnik podataka odgovoran za korištenje ustupljenih podataka, te da ne smije dovesti u zabludu FIA-u i treća lica u vezi sa izvorom, načinom i svrhom korištenja podataka koje distribuira na tržištu pravnim i fizičkim licima, a sve u skladu sa članom 10. Pravilnika o uslovima i postupku ustupanja prava na korištenje podataka iz Registra finansijskih izvještaja („Službene novine Federacije BiH“, broj 105/21 i 22/23) (u daljem tekstu: Pravilnik).

Član 4.

Komercijalni interes Korisnika podataka podrazumijeva kreiranje i prezentiranje odobrenih izvještajnih formi navedenih u Zahtjevu, koji čini sastavni dio ovog Ugovora, a putem vlastitog informacionog sistema.

Član 5.

Ukoliko Korisnik podataka želi pravo na korištenje podataka koja nisu predmet ovog Ugovora ili ustupljeno pravo na korištenje podataka upotrijebiti u svrhu koja nije navedena Zahtjevu i regulisana ovim Ugovorom, dužan je prethodno podnijeti novi zahtjev i zaključiti aneks osnovnog Ugovora sa FIA-om, a sve u skladu sa Pravilnikom.

Naknada za ustupljeno pravo i način plaćanja

Član 6.

(1) Ugovorne strane su saglasne da će FIA sačiniti fakturu za ustupanje prava na korištenje podataka u skladu sa Odlukom i podnesenim Zahtjevom.

(2) Pojedinačna naknada po podatku za ustupljeno pravo na korištenje posebnog izbora podataka iznosi **0,39 KM**.

(3) Naknada koju je Korisnik podataka dužan platiti iznosi ukupno **144.487,98 KM**.

(4) Korisnik podataka je dužan da izvrši plaćanje naknade iz stava (3) ovog člana u cjelosti na račun FIA-e prije preuzimanja podataka.

Vrijeme i način primopredaje podataka

Član 7.

(1) Ugovorne strane su saglasne da će FIA ustupiti podatke Korisniku podataka, najkasnije u roku od sedam dana od ispunjena sljedećih uvjeta:

a) da su obje ugovorne strane potpisale i ovjerile Ugovor i

b) da je Korisnik podataka izvršio plaćanje naknade u skladu sa članom 6. st. (3) i

(4) ovog Ugovora.

(2) Ugovorne strane su saglasne da će FIA tražene podatke ustupiti Korisniku podataka na elektronskom mediju ili preuzimanjem sa FTP servera.

Član 8.

(1) Prilikom preuzimanja podataka ugovorne strane će sačiniti zapisnik o primopredaji.

(2) Korisnik podataka potpisivanjem zapisnika o primopredaji potvrđuje da je primljene podatke pregledao i prihvatio ih kao uredne.

(3) Zapisnik o primopredaji ustupljenih podataka smatra se sastavnim dijelom ovog Ugovora.

Obaveze i ograničenja Korisnika podataka

Član 9.

(1) Korisniku podataka zabranjeno je na bilo koji način ustupanje podataka trećim licima, povezanim društvima (vladajuće i zavisno društvo, društva sa uzajamnim učešćem, holding, concern), kao i ostalim oblicima povezanih društava (konzorcij, franšizing, zajednica društava, poslovna unija, poslovni sistem, pul i drugi), distribuiranje ili objavljivanje podataka u izvornom obliku.

(2) Korisnik podataka, shodno stavu (1) ovog člana, prilikom upotrebe podatka dužan je:

- a) da osigura da će podaci biti korišteni isključivo u svrhu predviđenu Zakonom o Registru finansijskih izvještaja ("Službene novine Federacije BiH", broj 7/21) (u daljem tekstu: Zakon) i Pravilnikom;
- b) da poštuje ali i odgovara da podaci budu korišteni isključivo u skladu sa svrhom navedenom u Zahtjevu i Ugovoru;
- c) da osigura da podaci u izvornom obliku, ustupljeni ovim Ugovorom na korištenje od FIA-e, neće biti prodati ili na bilo koji način ustupljeni trećim licima, u cijelosti ili djelimično;
- d) da pravilno prezentira finansijski, imovinski i prinosni položaj obveznika izvještavanja prilikom prezentacije izvještaja sačinjenih na osnovu ustupljenih podataka;
- e) prilikom prezentacije izvještaja sačinjenih na osnovu ustupljenih podataka, kao i u ugovoru sa klijentom, Korisnik podataka dužan je navesti da je izvor podataka FIA;
- f) da osigura FIA-i trajan, kontinuiran i besplatan pristup sistemu Korisnika podataka za kontrolu svih prikaza koj ima namjeru distribuirati, te isti omogućiti prilikom primopredaje podataka;
- g) da se obaveže, a što čini potpisivanjem ovog Ugovora, da neće vršiti distribuciju niti razmjenu izvornih podataka elektronskim putem (web servis, web portal i dr.) trećim licima, te da će proizvode, analize i izvještaje prikazivati samo registrovanim korisnicima, a sve u cilju evidentiranja logova pretraga i sprječavanja eventualne zloupotrebe podataka.

(3) Korisnik podataka, potpisivanjem ovog Ugovora, prihvata da je upoznat s Pravilnikom, te je dužan pridržavati se odredbi Pravilnika.

Ograničenje odgovornosti FIA-e

Član 10.

(1) FIA će podatke iz Registra dostaviti isključivo za one pravne subjekte koji su temeljem Zakona o računovodstvu i reviziji u Federaciji BiH („Službene novine Federacije BiH“, broj 15/21) dostavili uredne finansijske izvještaje za 2023. godinu.

(2) FIA ustupa podatke nakon zvaničnog zaključivanja procesa kontrole i obrade podataka iz finansijskih izvještaja.

(3) Za tačnost iskazanih podataka u finansijskim izvještajima odgovoran je obveznik izvještavanja.

(4) FIA jamči da su ustupljeni podaci istovjetni sa podacima koje su obveznici izvještavanja, pri predaji finansijskih izvještaja i drugih dokumenata, dostavili FIA-i.

(5) Ugovorne strane su saglasne da FIA nije odgovorna za moguću štetu i druge posljedice koje Korisniku podataka i/ili trećoj pravnoj i fizičkoj osobi mogu nastati zbog ustupanja prava na korištenje podataka iz Registra, ukoliko se FIA prilikom ustupanja podataka pridržavala relevantnih zakonskih i podzakonskih odredbi i ovog Ugovora.

(6) U cilju zaštite i detekcije moguće zloupotrebe podataka, FIA će markirati odnosno obilježiti određeni broj podataka u izvornom obliku, koji neće bitno uticati na konačnu svrhu korištenja istih od strane Korisnika podataka, niti će izmijeniti suštinu prezentiranih finansijskih pokazatelja finansijskih izvještaja obveznika predaje.

Raskid ugovora

Član 11.

(1) U slučaju da Korisnik podataka prekrši odredbe ovog Ugovora, i/ili Pravilnika i/ili Zakona, FIA ima pravo jednostrano raskinuti Ugovor, oduzeti ustupljeno pravo na korištenje podataka i zadržati uplaćenu naknadu, kao i pravo na naknadu štete.

(2) Na ovaj Ugovor se primjenjuju relevantne odredbe Zakona o obligacionim odnosima („Službeni list R BiH“, br. 2/92, 13/93 i 13/94 i “Službene novine Federacije BiH“, br. 29/03 i 42/11), Zakona i Pravilnika.

Rješavanje sporova

Član 12.

(1) Sva druga pitanja koja nisu regulisana ovim Ugovorom ili odredbama Pravilnika, ugovorne strane će rješavati sporazumno, na principima povjerenja, poslovnog morala i dobrih poslovnih običaja.

(2) U slučaju spora nadležan je Općinski sud u Sarajevu.

Član 13.

Ovaj Ugovor je sastavljen u četiri istovjetna primjerka, od kojih svaka ugovorna strana zadržava po dva primjerka.

Član 14.

Ovaj Ugovor stupa na snagu danom obostranog potpisivanja.

Za FIA-
DIREKTORICA

mr.etc. Irma Borovac

Broj: 05-1-11-15-1111-1/2024
Sarajevo, 22.03.2024. godine



Za Korisnika podataka:
OVLASTENO LIČE

Klemen Kljun

Broj: 2024-7-9
Sarajevo, 27/03/2024

